
	<p align="center"><b>Republika e Kosovës</b>  <b>Republika Kosova –</b>  <b>Republic of Kosovo</b></p> <p align="center"><b>Komuna e Prishtinës</b>          Opština Priština –Municipality          of Prishtina</p>	<p align="center">PRISHTINA</p> 
---	---	---

<b>Datë/a:</b>	30.03.2018.
<b>Për/ Za/ To:</b>	Grupi i Operatorëve Ekonomik: "KOMPANI E SIGURIMIT ALPHA PRIVATE SECURITY"; "SAS" SH.P.K.
<b>CC:</b>	Departamenti i Prokurimit
<b>Nga/ Od/ From:</b>	Zekë Bardhaj – Udhëheqës i Departamentit të Prokurimit – Komuna e Prishtinës
<b>Tema/ Subjekat/Subject:</b>	Vendim për Rishqyrtim të Kërkesës

Zyrtari Përgjegjës i Prokurimit i Komunës së Prishtinës, në mbështetje të nenit 108/A (paragrafi 10.1) të Ligjit për Prokurimin Publik nr. 04/L-042, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, duke u bazuar në nenin 8 (paragrafi 8.1.2) të Rregullave për Parashtrimin e Ankesave të aprovuara nga Komisioni Rregullativ i Prokurimit Publik, duke vendosur sipas kërkesës për ri-shqyrtim të datës 28.03.2018 të parashtruar nga Grupi i Operatorëve Ekonomik: "KOMPANI E SIGURIMIT ALPHA PRIVATE SECURITY"; "SAS" SH.P.K., lidhur me aktivitetin e prokurimit me titull: "Sigurimi fizik i objekteve të Komunës së Prishtinës", me Nr. të Prok: 616 17 148 211 nxjerr:

## V E N D I M

1. Refuzohet si e pa bazuar kërkesa për ri vlerësim e parashtruar nga Grupi i Operatorëve Ekonomik: "KOMPANI E SIGURIMIT ALPHA PRIVATE SECURITY"; "SAS" SH.P.K. të dt. 28.03.2018 lidhur me aktivitetin e prokurimit "Sigurimi fizik i objekteve të Komunës së Prishtinës", me Nr. të Prok: 616 17 148 211 , kundër Njoftimit për dhënie të Kontratës te AK -së, të datës 22.03.2018 të publikuar ne web-faqe te KRPP-së.
2. Autoriteti Kontraktues, vendos që të vazhdoj me aktivitetin e prokurimit me titull "Sigurimi fizik i objekteve të Komunës së Prishtinës", me Nr. 616 17 5437 211 Nr. Brendshëm 616 17 148 211 dhe mbështet njoftimin për dhënie të kontratës ;
3. Ky vendim hyn në fuqi ditën e nënshkrimit dhe do të publikohet për të gjitha palët në platformën elektronike në adresën : <https://e-prokurimi.rks-gov.net>

## A r s y e t i m

Autoriteti Kontraktues – Komuna e Prishtinës me datë 25.12.2017 ka bërë njoftimin për kontratë lidhur me tenderin me titull: “*Sigurimi fizik i objekteve të Komunës së Prishtinës*”, me Nr. 616 17 5437 211 Nr. Brendshëm 616 17 148 211.

Hapja e ofertave nga Autoriteti Kontraktues është bërë me datë: 05.02.2018 ku të pranishëm ishin Operatorët të cilët kanë ofertuar për këtë tender. Autoriteti Kontraktues ka respektuar të gjitha dispozitat ligjore të Ligjit për Prokurimin Publik lidhur me mbarë vajtjen dhe ecurinë e procesit të hapjes dhe vlerësimit të ofertave.

Me datë 22.03.2018, Autoriteti Kontraktues ka bërë ri-njoftimin për dhënie të kontratës pas vlerësimit të ofertave nga ana e anëtarëve për Komision për Ri-Vlerësim ku secili anëtar ka dhënë vlerësimin e tij për çdo kriter të paraqitur në dosje.

Me datë 27.03.2018, Operatori Ekonomik “ROJET E NDERIT” sh.p.k, iu ka lejuar çasja në dokumentacion të të gjitha ofertave lidhur me këtë tender.

Operatori Ekonomik “ROJET E NDERIT” sh.p.k të dt. 28.03.2018 lidhur me aktivitetin e prokurimit “*Sigurimi fizik i objekteve të Komunës së Prishtinës*”, me Nr. 616 17 5437 211 Nr. Brendshëm 616 17 148 211, kundër Njoftimit për dhënie të Kontratës te AK – së, të datës 02.03.2018 të publikuar ne web-faqe te KRPP-së ka bërë Kërkesë për Rishqyrtim sipas nenit 108/A, te paragrafit 1,2,3,4,5,6,7 të Ligjit për Prokurimin Publik (LPP) me Nr.04/L-042, dhe në kërkesat për pjesëmarrje në dosjen e tenderit në të cilin theksohet:

- a) *Pretendimi 1: OE fitues nuk e ka plotësuar si duhet pjesën C të DT-së ku në faqen nr.40 nuk janë cekur të dy partnerët e konzorciumit.*
- b) *Pretendimi 2: OE fitues ka dorëzuar vërtetimet e Gjykatës dhe ATK-së kusht që duhet të përmbushet para njoftimit për dhënie të kontratës por njëri nga ta pa afat.*
- c) *Pretendimi 2: OE fitues ka sjellur kopjet e licencave, por se nuk dihet se a janë të kësaj kompanie.*



## I. Baza ligjore për refuzim të kërkesës.

Autoriteti Kontraktues ka bërë ri-vlerësimin e ofertave duke bërë ekzaminimin e të gjitha dokumenteve të prezantuara në ofertat e pranuar.

Autoriteti Kontraktues për vlerësimin dhe ri-vlerësimin e ofertave ka zbatuar së pari nenin 6 (Parimi i Efikasitetit dhe Ekonomizimit) dhe nenin 7 (Parimi i Barazisë / jo diskriminimit) të Ligjit për Prokurimin Publik të konsoliduar me Nr. 04/L-042.

Autoriteti Kontraktues lidhur me pretendimet e OE që ka bërë kërkesë për rishqyrtim të datës 28.03.2018 duke respektuar dispozitat e Ligjit për Prokurimin Publik si dhe Rregullat e Udhëzuesit Operativ për Prokurimin Publik ka marrë vendim:

a) **Pretendimi 1** - Autoriteti kontraktues gjatë vlerësimit dhe ri-vlerësimit ka administruar dhe shqyrtuar me kujdes të veçantë formularin e Tenderit plotësuar nga Operatorët Ekonomik në ofertat e tyre dhe si rrjedhojë gjatë vlerësimit të ofertës së Operatorit Ekonomik fitues nuk ka pasur gabime as teknike dhe as profesionale lidhur me mos plotësimin e dosjes së tenderit në faqen nr.40 siç pretendon Operatori Ekonomik ankimor, sepse Formulari i Tenderit, faqe 40, është i plotësuar nga personi i autorizuar në emër të Konsorciumit, Kompania K.A.AS - Security sh.p.k, sipas kërkesës së parashtruar në FTD pika 11.1 (c) e cila ceke "një deklaratë të nënshkruar nga të gjithë anëtarët e grupit të cilët autorizojnë partnerin kryesor për të vepruar në emër të grupit". AK në baze ligjore nuk e mbështet Pretendimin #1 të OE.

b) **Pretendimi 2** - Autoriteti Kontraktues gjatë vlerësimit dhe ri-vlerësimit të ofertave në veçanti të Operatorit Ekonomik fitues ka kërkuar që të sjell vërtetimin tatimor dhe vërtetimin nga Gjykata konform rregullave dhe dispozitave ligjore siç i parasheh Ligji i Prokurimit Publik, cili i ka sjellur këto dokumentacione të cilat janë në dosje duke respektuar nenin: 65 të LPP-së si dhe Udhëzuesin Operativ të Prokurimit Publik si dhe sipas kërkesës së parashtruar në FTD pika 6.4.

c) **Pretendimi 3** - OE ankimor ka bërë pretendime se OE fitues ka sjellur kopjet e licencave, por se nuk dihet se a janë të kësaj kompanie.

Autoriteti Kontraktues lidhur me pretendimet e OE ka vendosur që të mos e marrë për bazë këtë pretendim sepse OE ka përmbushur kërkesën e parashtruar në FTD pika 9.1 dhe 9.2.

Autoriteti Kontraktues vendos që të vazhdoj të respektoj Kërkesat e parashtruara në DT mbi mundësitë teknike dhe/ose profesionale të pikës 9.1 dhe 9.2 ku dëshmia e

përcaktuar ka qene qe OE i propozuar për dhënie te kontratës te sjelle kopjet e licencave te punëtoreve, gjë te cilën OE i propozuar për kontrate i ka dorëzuar ne përputhje me kërkesën e përcaktuar .

Andaj duke u bazuar në të gjitha provat dhe argumentet e prezantuara si dhe duke zbatuar dhe respektuar Ligjin për Prokurimin Publik, dhe Rregullat e Udhëzuesit Operativ për Prokurimin Publik, Autoriteti Kontraktues vendos si në dispozitivin e cekur më lartë.

**Këshilla juridike:**

*Kundër këtij vendimi, ankuesi mund të paraqesë ankesë pranë OSHP-së. Ankesa prane OSHP-se duhet te dorezohet brenda 10 (dhjete) diteve pas pranimit te ketij vendimi.*

**Zyrtari përgjegjës i Prokurimit**

